

بغداد بيها روضه وبرض المدينه روضه

وانتي عليهم فرتي بالجثة المروضه



هاليوم ردينه يا بو الروح الأبيه
أنخاك تنهض تمسح الدمعه الجريه
وينه أبو فاضل جمال الهاشميه
ينظر ضعنه آه واللي صار بيه



يالراسك المرفوع فوق السميره
يالجسمك الممدود برض الغاضريه
امحيه يبن أمي والله ابهاالمسيه
من يكفل أيتامك يحماي الحميه



أمشي يخويه والجسد فوق الوطيه
وراسك على رمح العده ابوليه أميه
لو أقعد اهننا ابكرله وانصب عزيه
واطفالي حولي أندبك صبح ومسيه



رديت من شامات لرض الغاضريات
رديت وقلبي تمرده اليوم حسرات
عاشور بقلبي جرح سيال لوعات
عاشور يومي وليلي ما ينقضي هيهات



آهات تسعر بالقلب كل يوم آهات
دمعات عاشر بالوجد كل يوم دمعات
ونّات تشعب مهجتي كل يوم ونّات
حسابات سنين العمر كل يوم حسابات



يحسين طيفك بالقلب نوّار ما مات
يحسين ذكرك هوّن إعلينه البليات
يحسين باسمك رفّت إعلى الكون رايات
بيمين أبو صالح ترف ثارات ثارات

